

Hic fecit ordinationes tres in urbe Roma per mensem Decembrem, presbyteros 32, diaconos 12, episcopos per diversa loca 46. Qui etiam sepultus est in

A coemeterio Priscillæ, via Salaria, viii idus Aprilis. Et cessavit episcopatus in urbe Roma dies 20 [Ali. dies 21].

NOTITIA GALLANDII.

(Biblioth. Vett. Patr. tom. IX.)

1. De sancto Cœlestino verba facturi, ea potius quam nostra, hie describenda existimamus, quæ paucis licet, satis tamen apposite ad nostrum institutum edisseruit vir doctus Coutantius. Sic igitur ille ^a : « Cum Bonifacius anno 422, Septembris 4 die, ex hac vita migrasset, mox, Augustino teste ^b, Cœlestinum in Romana sede Dominus Deus sine ulla plebis suæ discussione constituit. Observat vir eruditus, eum Ecclesiæ Romanæ tunc fuisse morem, ut nisi quid obstaret, defuncto ejus episcopo statim successor sufficeretur; adeoque Cœlestinum, cum in eum conspirarint totius plebis suffragia, nulla interposita mora, ac proxima post Bonifacii mortem dominica, quæ in 10 Septembris diem incidebat, suiss ordinatum.

2. « Pluribus gestis episcopatus ejus insignis fuit: nominatim vero adversus Nestorium sententiam primus edixit: Cyrilum ad eam exsequendam vicarium instituit, et regulam præseripsit ac formam, quam ut canonicam Ephesinæ synodi Patres sequise ultro sunt professi. Præterea hujus synodi confirmavit acta; Pelagianos totius Italæ finibus deturbari curavit; Novatianis ecclesias quas Romæ plures habebant, ademit; nascentem eocreuit Semipelagianam hæresim, et Augustinum adversus novos ejus reprehensores defendit.

3. « Eum ipso anno 432, quo Maximiani in Nestorii locum subrogati ordinationem, velut ad coronidem profligatae hæreseos Nestorianæ, approbavit, tam gloriosum pontificatum finisse, Prosperi ac Marcellini Chronicis confirmatur; quo die, non ita est exploratum. Eum Aprilis 6 vel 9 die sepultum pontificales libri ac Martyrologia tradunt. Verum sibi non coherent pontificales libri, siquidem annos 9, menses 10 et aliquot dies, non secus atque veteres catalogi, pontificatu Cœlestini ascribunt. Antonius

Pagi certum esse debere, ait ^c, eum sedisse annos novem, menses decem et dies novem, ideoque obiisse die 18 aut 19 Julii. In Corbeiensi tamen codice Vigilii papæ temporibus exarato, cum quo nonnulla saltem Chronicæ Prosperi exemplaria consentiunt, annos 9, menses 10, dies 17 sedisse dicitur. Ille Sebastianus Tillemontius Cœlestini mortem anno 432 Julii 26 die consignare licere arbitratur ^d. Illic usque V. C.

4. Jam vero ejusdem Cœlestini epistolarum editionem ab ipso Coutantio adornatam exhibemus, nonnullis in locis recensitam; ex cuius proinde annotationis haurire in promptu est, quæ ad hujus pontificis res præclare gestas magis elucidandas pertinent. Quod superest, si quid iis addendum, legendam existimari disquisitionem in decem capitula epistolæ Cœlestini 21 ad episcopos Galliarum subjecta, quam viri eruditi eluebrarunt ^e, ubi accuratissime post ipsummet Coutantium quid de illis sit censendum exponunt. Cujus quidem epistola Cœlestini ad Gallos occasione annotare libet, Vineentium Lirensem magni fecisse illam ejusdem pontificis sententiam quæ in ea epistola ad Galliarum episcopos habetur his verbis ^f : Desinat, si ita res sunt, incessare novitas vetustatem. Quibus relatis, subdit Vincentius ^g : Ergo hæc fuit beati Cœlestini beata sententia, ut non vetustas cessaret obruere novitatem, sed potius novitas desineret incessare vetustatem. Haud equidem ignoro ejusmodi Vineentii verba in alium sensum ab eo quem pra se ferre videntur, detorsisse doctissimum cardinalem Norisium ^h : ejus tamen opinio nullo pacto probatur eruditio Coutantio ⁱ. Neque vero illud præclarum de Cœlestino Prosperi testimonium hic demum omittendum ^j : Cui, inquit, ad catholicæ Ecclesiæ præsidium multa Dominus gratiæ sue dona largitus est.

^a Coustant. Epist. Rom. Pontiff. pag. 1051.

^b Aug. epistl. 209, num. 1.

^c Pagi. ad ann. 432, § 5.

^d Tillem. tom. XIV, pag. 758.

^e Boller. lib. ii cap. 6 Observ. ad Opp. Noris. tom.

IV, pag. 909 seqq.

^f Cœlest. epist. 21, § 2.

^g Vinc. Lir. Common. cap. 32.

^h Noris. Hist. Pelag. lib. ii cap. 11, Opp. tom. I, pag. 391 seq.

ⁱ Coustant. ad epist. 21 Cœlest. not. 3, infra pag. 533.

^j Prosp. contra Collat. cap. 21, al. 41, num. 2.

D

NOTITIA SCHÖENEMANNI.

(Biblioth. Historico-Litterar. tom. II.)

§ I. Vita Cœlestini papæ.

Patria Campanus, Prisci cuiusdam filius, proxima statim post mortem Bonifacii Dominica, id est 10 Septembris die a. 425 episcopus ordinatus est. Du-

rabat adhuc Romanæ sedis in Afrorum judiciis protestas, tamdiu ab ipsis Africanis episcopis concessa, donec consultis Nicæni concilii verissimis exemplaribus, utrum in eis reperirentur laudati a Zosimo

canones, certiores facti essent. Quo jure a Cœlestino in ipsis statim munera novi auspiciis Antonii Fus-satensis episcopi et aliquanto post Apiariorum nova flagitia remota et ad Cœlestinum provocantis causa suscepta fuit. Sed illius querelas, subdolas et injustas, evertit Augustinus, suaque rei gestæ enarratione apud Cœlestinum pervicit, ut sententiam apud Afros in eum latam ratam haberet; hunc propria scelerum damnavit confessio. Quam dum Cœlestino nuntiant, simul omne jus, quod interim de appellationibus Romanæ sedi permiserant, penitus sustulerunt, deprecantes, ne in posterum ex Africa venientes sive episcopi sive presbyteri inferioresve clerici, sive laici etiam facilius admitterentur, excommunicative in communionem præpropere restituerentur. Neque enim hoc magis quam illud, quod pridem de jure episcopi Romani legatos a latere in Africam mittendi Faustinus asservisset, in Nicæn concilio, quæ ex authenticæ ab Attico Constantinopolitano episcopo sibi transmissa essent, scriptum reperiri. Quapropter nullum omnino judicium transmarinum nedum clericos Romanos tamquam executores ad se missos in posterum laturos esse significabant. Sed quidquid ex hac parte Romanæ sedis potestati decedere videbatur, ex altera quodammodo reparavit initum a Cœlestino cum Cyrillo Alexandrino fœdus contra Nestorium, quo tam callide usus est, ut quæcumque hujus causa gesta non magis Cyrilli studio, quam Romani episcopi vigilantiae deberi viderentur. Nam simul ac satis sese a Cyrillo instructum sensit, quid pro hæresi habendum esset, festinavit, ut primus eam anathemate feriret, ejusque auctorem, si erroribus valedicturus esset, communione privaret; mox ad synodum ab imperatore Theodosio apud Ephesum indictam legatos misit hac generali præceptione, ut Nestorii damnationem^a et a sede sua depositiōnem urgerent: in reliquis vero, quæ casus vel discep-tationis ordo allatus esset, moniti erant, ut quidquid in Cyrilli arbitrio viderent, facerent. Itaque quæcumque ab eo in synodo ista gesta essent, plene approbavit, eique et omnibus, qui in ea cum eo steterant, tamquam de victoria ab hostibus Christi ipsique adeo imperatori, invito sane vitori, reportata gratulatus est, nec non Maximianum Nestorio depulso suffectum episcopum station salutavit, hoc unum restringens in istorum indicatis, ne asseclis Nestorii qui resipiscerent, omnis penitus spes venie et restitutionis præcideretur^b. Enimvero in his ad-versus Nestorium gestis illustrior vita pars Cœlestini, non tamen omnia ejus de catholica fide et Ecclesia merita continentur. Idem enim fuit, qui exuberantem in Gallia hæresim, quæ Semipelagianæ no-

A mine posthac notata fuit, repressit et deferentibus Prospero Aquitano et Hilario laico homine Galliae episcopos graviter reprehendit, quod tantum presbyteris suis indulgerent, ut *indisciplinas quæstiones vocantes in medium, prædicarent adversantia veritati*, et Augustino, quem impense laudat, obstrepere aude-rent^c. Præter hæc Prosper modo laudatus prædicat ejus studium in Pelagianis non solum ex tota Italia, sed etiam Britannia eliminandis, quo nomine ab eodem missus est sanctus Germanus Augustodunensis cum Lupo Trecensi episcopo. Prospéri denique testimonio nititur, quod Palladius ab eodem ad Scotos in Christum credentes ordinatus et primus epis-copus missus sit. Obiit Cœlestinus anno 452, mense Julio.

§ II. Cœlestini papæ scripta.

Restant XVIII Cœlestini epistolæ, inscriptæ; I, Episcopis Illyrici. Assignatur anno 425. II, Universis episcopis per Viennensem et Narbonensem provincias constitutis, scr. d. 25 Julii a. 428. III, Universis episcopis per Apuliam et Calabriam constitutis, scr. a. 429. IV, Cyrillo Alexandrino episcopo, scr. d. 2 Aug. a. 430, quemadmodum et tres sequentes. V, Johanni, Juvenali, Rufo et Flaviano episcopis per Orientem, a pari. VI, Nestorio. VII, Clero et populo Constantinopolitano. Quatuor has epistolas Latine scriptas esse, dubitari nequit, sed statim in linguam Græcam conversas et una cum versinre Græca ad Cyrrillum transmissas esse suspicatur Constantius; simul tamen eundem esse primigenium, quem nos habemus tex-tum probavit. VIII, Cyrillo Alexandrino, scr. d. 7 Maii a. 431. Hanc ex Græco versam, non Latino authentico descriptam esse diversis notis sibi depre-hendisse visus est Constantius. IX, Episcopis et pres-byteris eunitibus ad Orientem Commonitorium, scr. d. 8 Maii a. 431. X, Sanctæ synodo apud Ephesum con-gregata, scr. a. 431 Latine et in Ephesino concilio Latine primum lecta gestisque inserta, tum vero etiam in gratiam eorum, qui Latine nesciebant, Græce recitata. XI, Theodosio Augusto, scr. eodem a. XII, Episcopis Galliarum, scr. eadem a. XIII, Sanctæ synodo apud Ephesum constitutæ, scr. uti et sequentes a. 432, post damnationem Nestorii. XIV, Thcodosio Aug., post synodum. XV, Maximiano epi-scopo Constantinopolitano. XVI, Clero et plebi Constan-tinopoli consistentibus. Præterea Arnobius in libro II de conflietu cum Serapione servavit Fragmentum ser-monis, quem Cœlestinus in concilio Romano, mense Augusto anni 450, adversus hæresim Nestorii habuit. Auctoritates autem præteriorum sedis apostolicæ epis-coporum de Gratia Dei verius Cœlestio abjudicantur.

p. 1201.

^a Ep. ad synodum Ephes. post Nestorii damnatio-nem apud Coust. 22, p. 1146.

^b Ep. 21 apud Coust., cui ob hoc argumentum in pluriisque codicibus adjici consueverunt auctoritates præteriorum sedis apostolicæ epis coporum de gratia Dei et libero arbitrio.

^a Hanc in concilio Rom. in Nestorium dictam sen-tentiam per Cyrrillum ad Nestorium primum et nisi ille pariturus esset, ad reliquos Orientis episcopos mitti curavit. Atque hoc est, quod vice sua Cyrrillum agere dixit, *qualenus statutum suum vel Nestorio vel universis fratribus innotesceret*. Ep. ad Nestorium, 13 apud Coust. p. 1130, et iterum in Epist. ad Cle-rum et populum Constantinopolitanum. Coustant.

Quæ porro ipsi falso tributa fuerunt, aut perdebita sunt, indicat *Constantius*.

§ III. Editiones operum Cœlestini.

Ex his Cœlestini epistolis IV, V, VI et VII, in Actis concilii Ephesini, II, III, et XII, in Collectionibus Dionysii Exiguī, Hadrianea, Hispana et Isidori servatae et cum in iis tum ex iisdem per varias Conciliorum editiones vulgatae sunt. Augeri cœpit numerus primum per Petrum Crabbium Fragmento epistolæ X, quam integrum postea Antonius de Aquino in Collectione Epistolarum Pontificiarum Antonii Carafæ cardinalis protulit. Idem vero Antonius plures Cœlestini epistolas erutas subinde e schedis Vaticanae datus erat in Auctuario, quod laudatae Collectioni addere decreverat. Sed citius fato occubuit, nec quidquam ex omnibus, que indefesso ille studio luci paraverat, tenebras evasit præter epistolas, quas olim Baronio concesserat. Hinc factum est, ut sex novæ Cœlestini epistolæ, videlicet VIII, XI, XIII, XIV, XV, XVI, in Annalibus ad a. 431 et 432 prodierint. His quatuordecim epistolis, quas junctim interea exhibent Binius et Collectio Conciliorum Regia, moxque correctiores passim repetiit Ph. Labbeus, accessit tandem I per Holstenium in Collectione Romana bipartita, et IX per Stephanum Baluzium in Nova Conciliorum Collectione. Tot autem perpolandas et illustrandas accepit Petrus Coustantius, cuius editionem nuper iterum Andreas Gallandius expressit. Mansius vero Labbei vestigiis inharet,

SÆCULO XVI.

1525. Moguntiæ; in-fol. Decreta Cœlestini papæ numero XXII, i. e. Epistolæ tres: 1^o ad Episcopos Galliarum, cui junguntur Auctoritates p̄æteriorum sedis apostolicæ episcoporum de Gratia Dei; 2^o ad episcopos per Viennensem et Narbonensem provinciam; 3^o ad episcopos per Apuliam et Calabriam constitutos; in Joannis Wendelstini ed Collectionis Canon. Dionys.

1530. Coloniæ; in-fol. Eadem; in Coll. Conciliorum Jac. Merlini T. I, fol. clxxxiii-vi. Editio prima facta est a. 1525. Tertia prodiit a. 1555, Parisiis, in-8°, ubi Cœlestini Epistolæ extant fol. cxcvii-cc.

1556. Basileæ; in-fol. Cœlestini papæ Decreta i. e. Epistola ad universos Galliarum episcopos subiectis capitulis seu indiculo constitutionum sanctorum Patrum de Gratia Dei; inter selectissimas vetustissimorum præsum Epistolæ additas Clementis Recognitionibus ex editione Jo. Sichardi pagg. 302-506.

1558. Coloniæ, apud Petrum Quentel; in-fol. Decreta Cœlestini papæ, quo nomine comprehenduntur Epistolæ tres laudatae; Decreta ex Gratiiano et fragmentum Epistolæ ad synodum Ephesinam; in Conciliis Petri Crabbe T. I, fol. cccix-cccxi.

1570. Coloniæ Agr., apud Jo. Brinckmannum; in-fol. Cœlestini Decreta seu Epistola ad universos Galliarum episcopos, etc., inter Epistolæ Pontific. Rom. D. Clementis Oneribus ex ed. Lamb. Gruteri subjectæ pagg. 561-565.

A 1576. Ingolstadii, ex typogr. Dav. Sartorii; in-4°. Variae Cœlestini Epistolæ occasione concilii Ephesini scriptæ; inter Acta omnia sacros. magni et æcum. concilii Ephesini ed. opera Theodori Peltani soc. J., cap. 16, 17, 18, 19, 64, pagg. 248-74 et 388.

Sunt Epistolæ ad Cyrilum, Nestorium, Clerum et Pop. CP. Joannem Antioch. et Synodum Ephesinam.

1591. Romæ; in-fol. Cœlestini papæ Epistolæ, in Tomo I Collect. Epistolarum Decretalium Pontificum Romanorum, quam a card. Antonio Carafa inchoatam absolvit Antonius de Aquino.

Octo sunt, nempe quatuor inter Acta concilii Ephesini, tres per Dionysium Exiguum nobis transmissæ. Una vero, cuius fragmentum antea Petrus Crabbe dederat, nunc integra prodit, velut ex Cresconiana collectione excerpta, ut Coustantius inquit.

1594. Romæ, ex Typogr. Vat.; in-fol. Cœlestini Epistolæ (XIV); in Baronii Annalium tomo V, ad a. 450-52. Sex antea ineditæ ad a. 451 num. 6, 19 et 452 num. 4, 12, 17, 20. Repetitus est hic tomus Romæ 1607. Complectitur idem annorum spatium tomus quintus ed. Colonensis a. 1624, et septimus Mansiana Lucæ 1741. Sperabat Baronius Antonium de Aquino, a quo ineditas illas epistolas acceperat, in auctario Epistolarum Pontificiarum quod meditabatur, fontes, unde eas hausisset, indicaturum. Verum spes irrita fuit.

SÆCULO XVII.

1606. Coloniæ Agr., apud Jo. Gymnic. et Ant. Hierat.; in-fol. Vita, Epistolæ et Decreta Cœlestini C papæ I; in Conciliis Severini Bini T. I pagg. 622-632.

Ex quatuordecim, quas Binius partim ex Antonio de Aquino, partim ex Baronio colligit epistolis, non oinnes una serie producuntur, sed nonnullæ numeris tantum suis indicatae inter Acta Ephesini concilii locum obtinent. Aliquis additæ sunt Notæ Biniiane.

1609. Lutetiæ Parisorum; in-8°. Decreta Cœlestini papæ I (Epistolæ tres) in Codice Vet. Eccl. Rom. pagg. 404-426.

1629. Parisiis, sumpt. Seb. Cramoisy; in-fol. Cœlestini papæ I Epistolæ duæ ad episcopos Viennensis et Narbonensis provinciæ et episcopos universos Galliarum; in tomo I Conciliorum Galliæ Jac. Simondi.

D 1644. Parisiis e Typogr. Reg.; in-fol. Vita, Epistolæ et Decreta Cœlestini papæ I; in T. IV Conciliorum collectionis Luparensis pagg. 469-510. Auctoritates de Gratia Dei epistolæ antecedunt.

1661. Lutetiæ Paris., apud Lud. Billaine; in-fol. Cœlestini papæ Decreta (Epistolæ tres cum Auctoritatibus); in codice Dionysii Exiguī apud Guil. Voëlum et Henr. Justellum in Bibl. Juris Canon. pagg. 215-222.

1662. Romæ; in-8°. Cœlestini Epistola ad episcopos per Illyricum nunc primum edita e schedis Vaticanae inter Acta synodi Romanæ sub Bonifacio II; in Collectione Rom. Bivart. Lucæ Holstenii p. I, pagg. 85-88.

1671. *Lutetiae Parisiorum*; *in-fol.* Vita, Epistolæ et Decreta Cœlestini papæ I, cum notis *Sev. Binii*, *Jac. Sirmondi* et *Obss. Phil. Labbei*; in *Conciliis Phil. Labbei et Gabr. Cossartii* cura editis tomo II, pagg. 1610—1638.

Nonnullæ epistolæ nomen tantum suum in hac serie professæ sunt. Ipsæ exstant inter Acta Ephesini concilii tomo III, pagg. 345, 346, 355, 376, 614. Pressius nimirum sequitur Labbeus Binium et editorem Collectionis Regiæ. Quo obsequio adeo factum est, ut alias bis exscribendas dederit. Nam quæ in his sunt IX ad *Theodosium*, X ad *Cyrillum*, XI ad *synod. Ephes.*, XII ad *Theodosium Jun.*, XIII ad *Maximianum*, et XIV ad *Constantinopolitanos*, recitantur iterum integræ tomo III, pagg. 619, 621, 1069, 1072; T. IV, pagg. 1074 et 1075. Accedunt in Appendix hujus secundi tomi pagg. 1847—19, Notæ posthumæ Sirmondi in duas ad Galliarum episcopos et Aucto-ritates sedis apostolicæ.

1675. *Lutetiae Parisiorum*, apud *Jo. Bapt. Coignard*; *in-4°*. Epistola Cœlestini papæ ad episcopos Vienenses et Narbonenses. Ejusdemque ad episcopos Apuliæ et Calabriæ; in Codice Canonum Ecclesiæ Rom. a Pasch. Quesnetto in tomo II Opp. Leonis M. vulgato, cap. 35 et 36, pagg. 133—137, editionis Lugdunensis (a. 1700) pagg. 71—73.

1682. *Lovaniæ, typis Hieronymi Nempæ*; *in-4°*. Commonitorium Cœlestini papæ episcopis et presbyteris euntibus ad Orientem: nunc primum e Vaticana bibliothecæ manuscripto in publicam lucem data per F. Christianum Lupum, Irenensem, in Epistolis variorum Patrum ad concilium Ephesinum ex ms. Cassin. Bibl. ab eodem desumptis et editis, capite 226, fol. cccclxx. Reputatum est hoc opus in tomo VII Operum Christiani Lupi (*Venetis apud Jo. Bapt. Albritum, Q. Hieron. et Sebast. Coleti* a. 1726; *in-fol.*), inque eo Cœlestini Commonitorium pagg. 385, 386.

1683. *Parisiis, ex off. typogr. Franc. Muguet*; *in-fol.* Commonitorium papæ Cœlestini datum episcopis et presbyteris euntibus ad Orientem. Ejusdem varie Epistolæ occasione concilii Ephesini scriptæ; in Steph. Baluzii Nova Coll. Conciliorum, T. I, pagg. 381, 424, 431, 436, 458, 489—93.

Commonitorium reperit primum in vetustissimo codice bibliotheca Colbertinæ num. 1865 optime exarato. Aliud deinde exemplar in Vaticano recentiore num. 1520, Nicolai V pontificatus scripto, ad eum misit Hieronymus cardinalis Casanata. Sed emendatus erat in Colbertino quam in Vaticano. Ignoravit autem Baluzius idem anno ante jam a Lupo fuisse evulgatum. Reliquæ Epistolæ, inter Acta Ephesini concilii distributæ, sunt: 1º Epistola ad Nestorium; 2º ad clericum et populum Constantinopol.; 3º ad Cyrillum; 4º ad Joannem Antioch.; 5º ad synodum Ephesinam; 6º ad Theodosium imp.; 7º ad Cyrillum Alexandrinum.

1687. *Parisiis, e Typogr. Regia*: *in-fol.* Decreta Cœlestini papæ (Epist. III) in Codice Gan. Dionysii Ex-

A cx ed. Franc. Pithæi b. a. et l. recuso pagg. 219—223: SÆCULO XVIII.

1745. *Parisiis, e Typogr. Regia*; *in-fol.* Cœlestini papæ Decreta (Epistolæ III); item Epistolæ per Acta Ephesini concilii distributæ, ad Nestorium, ad clericum et populum CP., ad Cyrillum, ad Joannem Antiochenum, Commonitorium ad legatos, ad synodum Ephesinam, ad Theodosium, ad Cyrillum secunda, ad synodum post damnationem Nestorii, ad Theodosium Jun., ad Maximianum, ad clericum et populum CP. secunda; in Jo. Harduini Actis Conciliorum T. I, pagg. 1251—62. 1299. 1311, 1321, 1323, 1347, 1467—74, 1671—82.

1721. *Parisiis*; *in-fol.* S. Cœlestini papæ Epistolæ et Decreta ad justum temporis ordinem reductæ, B juxta vet. codd. fidem recognitæ et emendatae, præviis admonitionibus, notis criticis et dissertationibus illustratae per Petrum Coustant; in Epistolis Pontiff. Rom., T. I, pagg. 1051—1228.

Insertæ sunt epistolæ aliorum ad Cœlestinum, vel ad res ab eo gestas spectantes, scilicet ab initio omnium 1º Augustini epistola ad Cœlestinum, scr. circa initium a. 423, inter Augustinianas 209; 2º Aurelii et cœterorum qui universali Africæ concilio Carthaginis adfuerunt, ex codice canonum Ecclesiæ Africæ, scr. judice Coustantio vel sub exitum a. 423, vel ineunte a. 426. Item post III, 3º et 4º duæ Nestorii ad Cœlestinum litteræ Gr. Lat.; 5º Epistola Cyrilli ad Cœlestinum, scr. a. 450 Gr. Lat.; 6º Commonitorium Cyrilli Posidonio cum Romam mitteret datum, Gr. Lat. Post XIV, 7º Nestorii ad Cœlestinum, scr. a. 450, Gr. Lat. Post. XIX, 8º Epistola synodi Ephesinæ ad Cœlestinum, Gr. Lat. Decimo loco est fragmentum sermonis a Cœlestino habiti. Subjungitur Notitia Epistolarum, quæ ad Cœlestinum papam attinent.

1757. *Venetis, apud Sim. Occhi*; *in-fol.* Cœlestini papæ Epistola ad episc. Vienenses et Narbonenses, item episc. Apuliæ et Calabriæ cum varietate exemplarium tam editorum quam mss.; in Codice Vet. Canon. Constitut. S. sedis apostolicæ Pasch. Quesnelli iterum edito a Ballerinitis Frr., tomo III Opp. Leonis M. cap. 35, 36, pagg. 270—77.

1760. *Florentiæ*; *in-fol.* Vita, Epistolæ et Decreta S. Cœlestini papæ I, cum notis Binii et Sirmondi, item Excerptis aliquot e cod. mss. epistolarum et titulorum veterum epistolarum quarundam Cœlestini; in tomo IV Collectionis amplissimæ Conciliorum Jo. Domin. Mausi pagg. 453—74.

Epistolas, quæ inter Acta Ephesini concilii hoc ipso tomo comprehensæ referuntur, non integras in hac serie repræsentavit, id quod post Labbeum etiam Coleetus, quem raro alioquin Mansius deserit, fecerat; sed Binium sequi maluit, titulisque [et verbis initialibus recitatis, ad illa lectores ablegat.]

1773. *Venetis, extypogr. Jo. Bapt. Albritii*; *in-fol.* S. Cœlestini papæ Epistolæ et Decreta, quibus nonnulla intexta ad eumdem sanctum pontificem pertinenter. Ex editione V. Cl. Petri Coustantii; in tomo

IX. Bibl. PP. et SS. Vet. Eccl. Andreæ Gallundi A in-fol. Cœlestini papæ epistola ad episcopos provinciæ Viennensis et Narbonensis. Item Epistola ad episcopos Galliæ, pro S. Augustino, additis decretis et decretorum titulis nec non Sirmondi, Quesnelli et Cœlestini notis et electionibus variantibus excerpis; in novissima Conciliorum Galliæ Collectione a PP.

Admonitiones Constantii epistolis aliquibus præmissas resecurit sententiasque carum passim in notis contraxit. De Cœlestino disserit Prolegg. cap. 8, pagg. xix, xx.

1789. Parisiis, sumptib. Petri Didot fil. primog.;

pagg. 287—346.

A in-fol. Cœlestini papæ epistola ad episcopos provinciæ Viennensis et Narbonensis. Item Epistola ad episcopos Galliæ, pro S. Augustino, additis decretis et decretorum titulis nec non Sirmondi, Quesnelli et Cœlestini notis et electionibus variantibus excerpis; in novissima Conciliorum Galliæ Collectione a PP. Maurinis nuper inchoata, tomo I, pag. 384 et 426.

S. CŒLESTINI I PAPÆ EPISTOLÆ ET DECRETA.

(Ex edit. Constantii apud Bibl. Vett. Patr. Galland. tom. IX.)

• EPISTOLA I.

AUGUSTINI HIPONENSIS EPISCOPI AD COELESTINUM
PAPAM.

Antonii episcopi Fussalensis, qui administratione Ecclesiæ suæ ob scelera privatus, apostolicam sedem appellaverat, causa exposita, obtestatur ut latam in ipsum sententiam vigere sinat.

Domino beatissimo et debita charitate venerando sancto papæ CŒLESTINO AUGUSTINUS in Domino salutem.

1. Primum gratulationem redbo meritis tuis, quod te illa sede Dominus Deus noster sine ulla, sicut audivimus, plebis suæ dissensione b constituit. Deinde insinuo sanctitati tuæ quæ sint circa nos, ut non solum orando pro nobis, verum etiam consulendo et opitulando subvenias. In magna quippe tribulatione positus, hæc ad tuam beatitudinem scripta direxi; quoniam volens prodesse quibusdam in nostra vicinitate membris Christi, magnam illis cladem improvidus et incanus ingessi.

2. Fussala dicitur Hipponeñi territorio confine castellum. Antea ibi numquam episcopus fuit, sed simul cum contigua sibi regione ad parœciam Hipponeñi Ecclesiæ pertinebat. Paucos habebat illa terra catholicos, cæteras plebes illic in magna multitudine hominum constitutas Donatistarum error miserabiliter obtinebat, ita ut in eodem castello nullus esset omnino catholicus. Actum est in Dei misericordia ut omnia ipsa loca unitati Ecclesiæ cohærerent, per quantos labores et pericula nostra,

B longum est explicare: ita ut ibi presbyteri qui eis congregandis a nobis primitus constituti sunt, exsoliarentur, cederentur, debilitarentur, excæcentur, occiderentur; quorum tamen passiones inutiles ac steriles non fuerunt, unitatis illuc securitate perfecta. Sed quod ab Hippone memoratum castellum millibus quadraginta sejungitur, cum in eis regendis et corum reliquiis licet exiguis colligendis, quæ in utroque sexu aberrabant, non minaces ulterius, sed fugaces, me viderem latius quam oportebat extendi, nec adhibendæ sufficere diligentæ quam certissima ratione adhiberi debere cernebam, episcopum ibi ordinandum constituendumque curavi.

3. Quod ut fieret, aptum loco illi congruumque requirebam, qui et Punica lingua esset instructus. Et habebam de quo cogitabam paratum presbyterum, propter quem ordinandum, sanctum d senem qui tunc primatum Numidiæ gerebat, de longinquo ut veniret rogans litteris impetravi. Quo jam præsente, omniumque in re tanta suspensis animis, ad horam nos ille qui mihi paratus videbatur omni modo resistendo destituit. Ego autem, qui utique, sicut exitus docuit, differre potius debui, quam periculoso præcipitare negotium, dum nolo gravissimum et sanctissimum senem ad nos usque fatigatum, sine effectu propter quem venerat tam longe ad propria remeare, obtuli non petentibus quemdam adolescentem Antonium qui mecum tunc erat, in monasterio quidem a nobis a parvula ætate nutritum, sed præter lectionis officium nullis clericatus

* Scripta circa initium anni 423. Inter Augustini epistolas est. Statim atque Cœlestini electio et ordinatio in Africa divulgata est, adeoque circa anni 423 principium, scriptam esse Augustinus ipse ab exordio satis aperte declarat. Neque vero scrupuli de Antonii Fussalensis causa ipsi injecti procrastinare eum sinebant aut quiescere, donec promptum eis remedium invenisset.

b Quamvis needum ex Eulalii factione defecissent schismatici, contra quos Baronius ad ann. 423 et 425 putat legem 62 tit. 5 lib. xvi Cod. Th. Aquileiæ, Theodosio aug. xi et Valentiniiano cæs. cons., hoc est anno 425, xvi kal. Augusti datum, qua cœetur: Circa hos autem maxime urgenda commotio est, qui pravis suasionibus a venerabilis papæ sese

communione suspendunt, quorum schismate plebs etiam reliqua vitiatur. His, conventione præmissa, virginis dierum condonamus indicias, intra quos nisi ad communionis redierint unitatem, expulsi usque ad centesimum lapidem, solitudine quam eligunt macerentur.

c Hoc est, schismaticis ad unitatem reducendis. Puta Silvanum, qui apud Augustinum epistola 128 ut Senecæ ecclesia Summensis, et epistola 129 ut princeps sedis provincie Numidiæ episcopus subscribit.

d Zosimus epist. 9, n. 5, decernit, ut qui ab infantia ecclesiasticis ministeriis nomen dederit, inter lectores usque ad vicesimum aetatis annum continuata observatione perdure. Quia in reis papa Siricii epist. 1 n. 13 decretum secuui est. Quocirca Antonius ille a parvula ætate lector initiatus, statimque Augustino